



Broj: JN1-03-07-3-6-16/17
Datum: 09.11.2017. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH“, br. 39/14), Odluke o davanju saglasnosti na Izvještaj o evaluaciji javne nabavke roba pregovaračkim postupkom s objavom obavještenja za javnu nabavku roba za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ br. JN1-03-07-3-6-19/17 od 24.10.2017. godine i Odluke o davanju saglasnosti na prijedlog Odluke o dodjeli ugovora br: 05-14-3-149-4/17 od 27.10.2017. godine, koordinator za reformu javne uprave u BiH donosi:

ODLUKU

o dodjeli ugovora za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“

Ugovor za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ dodjeljuje se „Lanaco d.o.o. ul. Veljka Mladenovića bb. 78 000 Banja Luka“, a po prihvaćenoj ponudi ponuđača br. JN1-03-07-3-6-16/17 od 09.10.2017. godine, po provedenom pregovaračkom postupku javne nabavke, shodno članu 20. stav 1. Zakona o javnim nabavkama.

II

Ugovor za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ zaključit će se po cijeni prihvaćenoj u ponudi ponuđača „Lanaco d.o.o. ul. Veljka Mladenovića bb. 78 000 Banja Luka“, u iznosu od 301.621,32 KM, sa PDV-om.

III

Ova Odluka stupa na snagu danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.



Obrazloženje

Ured koordinatora za reformu javne uprave proveo je pregovarački postupak javne nabavke roba za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“, shodno članu 20. stav 1. Zakona o javnim nabavkama. Obavještenje o nabavci br:1438-1-1-10-3-4/16 objavljeno je na portalu javnih nabavki dana 25.04.2016.godine. Također, informacija o postupku javne nabavke objavljena je i na web stranici Ureda koordinatora za reformu javne uprave, kao i na stranicama Centra za promociju civilnog društva, web stranici akta.ba, ccppei.ba i briefing.ba.

Ured koordinatora za reformu javne uprave, do krajnjeg roka za prijem ponuda, primio je jednu ponudu i to „Lanaco d.o.o. ul.Veljka Mladenovića bb. 78 000 Banja Luka“.

Na sastanku Komisije za javnu nabavku roba za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ koji je održan je 14.07.2017.godine sa početkom u 13:15 sati, u prostorijama Ureda koordinatora za reformu javne uprave, Komisija je dala prijedlog da se otvoreni postupak objavljen na **Portal javnih nabavki** dana 26.05.2017.godine, Obavještenje o nabavci br:1438-1-1-10-3-7/17, nastavi u skladu sa članom 20. Stav 1. Zakona o javnim nabavkama, a kako je evidentirano u Zapisniku o radu Komisije broj: JN1-03-07-3-6-8/17 od 25.08.2017. godine, kao i Odluci ugovornog organa o prelasku otvorenog postupka javne nabavke roba za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ na pregovarački postupak uz objavu obavještenja.

U nastavku postuka, Komisija je dana 15.09.2017.godine ponuđaču-grupi ponuđača „Lanaco d.o.o. Banja Luka-King ICT d.o.o. Sarajevo“ poslala poziv da u roku od 3 dana dostavi potpisane Opšte uslove ugovora i time otkloni nedostatke u ponudi broj: PO-01-4614/17 od 10.07.2017. godine. U skladu sa članom 27. stav 1. Zakona o javnim nabavkama BiH dostavljeni dokument će se uz ponudu broj: JN1-03-07-3-6-5/17 od 14.07.2017.godine smatrati početnom ponudom u pregovaračkom postuku.

Dana 21.09.2017. godine Ugovorni organ je zaprimio dopis Ponuđača broj: JN1-03-07-3-6-10/17, uz koji je dostavljen i traženi dokument. Dana 29.09.2017.godine Komisija je izvršila uvid u dostavljeni dokument te utvrdila da je ponuđač-grupa ponuđača u ostavljenom roku otklonio nedostatak iz ponude i time dao saglasnost za prelazak na pregovarački postupak.

Nakon što je utvrdila ispunjenost zakonskih preduslova, Komisija je uputila poziv za pregovaranje o tehničkim, ekonomskim, pravnim i drugim aspektima ugovora u skladu sa članom 27. stav (1) tačka d) Zakona o javnim nabavkama. Sastanak za pregovaranje sa ponuđačem-grupom ponuđača „Lanaco d.o.o. i King ITC d.o.o.“ održan je dana 05.10.2017. godine, sa početkom u 14:00 sati, u prostorijama Kancelarije koordinatora za reformu javne uprave. Ispred ponuđača-grupe ponuđača sastanku je prisustvovao ovlašteni predstavnik, gđin. Goran Čamur.

Predmet sastanka bila je početna ponuda ponuđača-grupe ponuđača Lanaco d.o.o. i King ITC d.o.o. broj: JN1-03-07-3-6-5/17 od 14.07.2017.godine, odnosno pregovaranje o tehničkim, ekonomskim, pravnim i drugim aspektima ugovora. Nakon što su prisutni članovi Komisije za javne nabavke konstatovali da je navedeni ponuđač-grupa ponuđača u ostavljenom roku otklonio nedostatak iz ponude, prisutni predstavnici ugovornog organa i ponuđača pristupili su razmatranju odredbi Ugovora o kupoprodaji roba koji čini sastavni dio tenderske dokumentacije broj: JN1-03-07-3-6-3/17- aneks 14. Tom prilikom zaključeno je da je tehnički i pravni aspekt ugovora uskladen sa realnim potrebama i ciljevima Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“, te da u cilju optimalne implementacije postavljenih zadataka nema potrebe za izmjenom istih. U pogledu ekonomskog aspekta Ugovora ovlašten predstavnici ponuđača, gđin. Čamur, je izjavio da je ponuđač spreman spustiti cijenu navedenu u ponudi broj: JN1-03-07-3-6-5/17 od 14.07.2017.godine za 0,5%. Članovi komisije se nisu složili sa predloženim, te su tražili da ponuđač spusti cijenu za 1,5% u odnosu na početnu. Nakon kraćeg razmatranja predloženih opcija, članovi komisije i ovlašten predstavnici ponuđača su se složili da se cijena umani za 1% od vrijednosti početne ponude sa uračunatim PDV-om.

Nadalje, Komisija je odlučila da se ovlaštenom ponuđaču na sastanku lično uruči tenderska dokumentacija za dostavljanje konačne ponude, što će imenovani svojim potpisom potvrditi. Ponuđač je bio u obavezi da dostavi konačnu ponudu u roku od 4 dana, odnosno do 09.10.2017.godine, do 13:30 časova.

Javno otvaranje konačne ponude je održano 09.10.2017.godine u 14:00 časova.

Na adresu ugovornog organa u ostavljenom roku pristigla je konačna ponuda ponuđača-grupe ponuđača „Lanaco d.o.o. Banja Luka-King ICT d.o.o. Sarajevo“ broj: JN1-03-07-3-6-16/17 od 09.10.2017.godine.

U nastavku je dat pregled ponuđača, dostavljena ukupna cijena ponude te eventualni popust:

1. Ponuđač „Lanaco d.o.o. Banja Luka-King ICT d.o.o. Sarajevo“, čija ukupna cijena ponude navedena u obrascu za cijenu ponude iznosi 257.796,00 KM bez PDV-a.

Obzirom da je komisija u otvorenom postupku konstatovala da navedeni ponuđač ispunjava sve uslove tenderske dokumentacije predviđene članom 45. 47. i 50 Zakona o javnim nabavkama BiH, komisija je u pregovaračkom postupku izvršila pregled korigovane cijene u skladu sa postignutim dogovorom u fazi pregovaranja, te dostavljenog obrasca za ponudu- aneks 2 TD, kao i Specifikacije za nabavku robe i nacrtu Ugovora.

Nakon cjelokupne analize konačne ponude broj: broj: JN1-03-07-3-6-16/17 od 09.10.2017.godine i ponude broj: JN1-03-07-3-6-5/17 od 14.07.2017.godine te svega naprijed navedenog Komisija konstatuje da dostavljena ponuda **ispunjava** sve uslove utvrđene u tenderskoj dokumentaciji.

Tenderskom dokumentacijom je traženo da se ponuđači izjasne da li njihova ponuda uživa preferencijalni tretman domaćeg. Navedeni ponuđač je izjavio da njegova ponuda ne ispunjava uslove za primjenu preferencijalnog tretmana domaćeg. Ponuđač nema namjeru podgovarati.

Shodno naprijed navedenom, komisija za javne nabavke dala je preporuku ugovornom organu da se ugovor za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ dodjeli ponuđaču – „Lanaco d.o.o. ul. Veljka Mladenovića bb. 78 000 Banja Luka“.

Sredstva za nabavku roba za implementaciju Specifikacije za nabavku opreme i usluge razvoja novih softverskih rješenja u okviru implementacije projekta „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ osigurana su u Fondu za reformu javne uprave u iznosu od 1.849.307,85 KM sa uračunatim PDV-om, od čega je 305.843,85 sa PDV-om predviđeno za nabavku opreme navedene u tehničkoj specifikaciji (sa uračunatim PDV-om) i to po osnovu Odluke o prihvatanju projektnog zadatka „Uspostavljanje i/ili jačanje kapaciteta institucije/a za kontrolu propisa i uspostavljanje sistema redukcije administrativnih prepreka“ za finansiranje iz sredstava Fonda za reformu javne uprave u BiH broj: 04-34-5-177-9/12 od 03.12.2013.godine.


Ponuđena cijena za izvršenje usluga za implementaciju predmetnog projekta iznosi **257.796,00 KM bez PDV-a**. Ukupna ponuđena cijena sa PDV-om iznosi **301.621,32 KM**.

Pouka o pravnom lijeku:

Protiv ove odluke može se izjaviti žalba prvostepenom organu Uredu koordinatora za reformu javne uprave u roku od 10 dana od dana prijema ove odluke.

Koordinator za reformu javne uprave

Doc.dr Dragan Čuzulan



Dostavljeno:

1. Ponuđaču koji je dostavio ponudu
2. Kopija članovima i sekretaru Komisije za nabavku
3. a/a